



COMUNU DE MARA

CITADI METROPOLITANA DE CASTEDDU

ORDINÀNTZIA DE SU SÌNDIGU **Nùmeru Categoria: 34**

SÌNDIGU

Responsàbili:

Serra Giovanna Maria

In sa dì :

28/08/2020

OGETU:

**PROIBIMENTU DE FUMAI, INTRADA A IS CANIS E IMPREU DE
BICICRETAS/SKATEBOARD IN SU PARCU GESSA E PRATZITA BIA ROMA
INGRUXERI BIA SANTA LUCIA**

SU SÌNDIGU

PREMÌTIU CHI

- ✓ In su territòriu comunali de Mara ddoi funt medas àreas birdis e parcus po giogai aparicius po su spàssiu e sa vida de relata, intre is calis su “Parcu Gessa” e sa pratzitedda bia Roma - bia Santa Lucia;
- ✓ no ddoi est duda chi s’interessu pùblicu primàriu de totus is Aministratzionis Pùblicas est cussu de assegurai sa seuresa, sa bivibildadi e sa saludi de is citadinus cosa sua;

CUNSIDERAU CHI

- ✓ su Comunu de Mara bolit impreai medidas profetas po assegurai una spartzidura prus libera e sanidosa, prus chi totu po is pipius, de is logus birdis de profetu pùblicu cun apretu prus mannu po cussas apariciadas cumenti parcu giogus e su cuncordamentu de logus liberus de su fumu castiendi a sa biatzesa de chini no fumat;
- ✓ custu provedimentu bolit gherrai puru cuntra de is acontèssius de stremus vandàlicus e de imbrutamentu ambientali;

DONAU ÀUTU CHI: fait parti de is cumpetèntzias de su Sìndigu, cumenti rapresentanti de sa comunidadi de su logu, apariciai ordinàntzias contingibilis e apretadas ponendi menti a s’art. 50, co. 5 de su D. Lgs. 267/2000 (T.U.E.L.);

BIUS

- su D. Lgs. de su 18.08.2000 n. 267;
- su D. Lgs 152 de su 03.04.2006 “Còdixi de s’Ambienti” e ss.mm.ii.;
- su Statutu Comunali vigenti;
- su Regulamentu po sa gerridura de is arrefudus urbanus e simbillantis, aprovau cun deliberatzioni C.C. n. 58 de su 13.12.2010;
- su Regulamentu de politzia urbana aprovau cun deliberatzioni C.C. n. 36 de su 16.11.2015;

CUMANDAT:

1. a totus is citadinus bividoris in su Comunu de Mara chi cumintzendi de sa dì de publicatzioni de custu àutu, in is àreas arreconnotas cumenti “Parcu Gessa” e “Pratzita bia Roma ingruveri bia Santa Lucia” est fatu proibimentu de intrai:
 - a is canis, mancarì puru acapius a corriedda e cun su murralli;
 - a is bicicretas e a is skateboard;
2. su proibimentu de:
 - fumai aintru de cussus logus;
 - fuliai paperi, papòngiu o àliga de dònna genia a foras de is botus po s’àliga cuncordaus aposta;
 - sciusciai sa sinnalètica o is alàscias, is giogus e is trastus de su parcu;

AVERTIT CHI:

- s’impreu liberu po parti de is pipius de is giogus e de is atrus trastus est postu a suta de sa responsabilidadi de sa genti chi ddus depit castiai, aici cumenti s’impreu sconcau de cuddus tirat dònna crupa de s’aministratzioni comunali.
- aturat sempri imbordigau s’arrespetu de is regulamentus vigentis a pitzu de sa igiene pùblica e de politzia veterinària in totus is atras àreas birdis de su territòriu comunali.
- sa violatzioni de custa ordinàntzia, a foras de s’aplicatzioni de s’art. 650 de su Còdixi Penali o de is atras Leis e Regulamentus generalis e spetzialis a pitzu de s’amparu de s’igiene pùblica, est castigada cun is smendas amministrativas prevìdias de s’art. 7-bis de su D. Lgs. n.

267/2000 de èurus 25,00 finsas a èurus 500,00.

INTREGAT

- A su Corpus de Politzia Locali e a is atras Fortzas de Politzia su cstiu a pitzu de sa sighidura de custu provedimentu.

APARÌCIAT

- sa apicigadura de sinnaletica apòsita in is àreas imbordigadas in custa ordinàntzia;
- sa publicatzioni de custa Ordinàntzia in su Albu Pretòriu online cumentu puru sa fichidura sua in evidèntzia in sa home page de su giassu istituzionali de s'Enti.

INFORMAT

- A norma de s'art. 3 comma 4 de sa Lei 241/90 e s.m.i. , cuntra de custa ordinàntzia, ponendi menti a sa Lei n. 1034/1971, chinisiat chi tèngiat interessu at a podi recurri po incumpetèntzia, po eccessu de poderiu o po violaduras de lei, aintru de sessanta diis de sa publicatzioni e/o de sa notificatzioni a su Tribunali Aministrativu Regionali de sa Sardigna. De atra manera, po is arresonis sceti de legitiimidadi, a su Presidenti de sa Repùblica aintru de 120 diis de sa publicatzioni. Is trèminis amostaus innoi a pitzu cumintzant de sa dì de publicatzioni in su Albu Pretòriu de su Comunu de Mara.

SU VICE SÌNDIGU
Firmau Giovanna Maria Serra